

1965

3



საქართველოს საბჭოთა სოციალისტური რესპუბლიკის



უმაღლესი საბჭოს  
უწყებები

№ 11 (280)

20 აპრილი

1965 წელი

შ ი ნ ბ ა რ ს ი

ნაწილი I

ბანუოფილება პირველი

- 192. ბრძანებულება სსრ კავშირის უმაღლესი საბჭოს პრეზიდიუმისა ლიეის სამეფოში სსრ კავშირის საგანგებო და სრულუფლებიანი ელჩის მოვალეობისაგან დ. ი. ზაბიჯინის განთავისუფლების შესახებ.
- 193. ბრძანებულება სსრ კავშირის უმაღლესი საბჭოს პრეზიდიუმისა ლიეის სამეფოში სსრ კავშირის საგანგებო და სრულუფლებიანი ელჩად ს. ა. თოვმასიანის დანიშვნის შესახებ.
- 194. ბრძანებულება სსრ კავშირის უმაღლესი საბჭოს პრეზიდიუმისა ჩინეთის სახალხო რესპუბლიკაში სსრ კავშირის საგანგებო და სრულუფლებიანი ელჩის მოვალეობისაგან ს. ვ. ჩერვონენკოს განთავისუფლების შესახებ.
- 195. ბრძანებულება სსრ კავშირის უმაღლესი საბჭოს პრეზიდიუმისა ჩეხოსლოვაკიის სოციალისტურ რესპუბლიკაში სსრ კავშირის საგანგებო და სრულუფლებიანი ელჩის მოვალეობისაგან მ. ვ. ზიმბანინის განთავისუფლების შესახებ.
- 196. ბრძანებულება სსრ კავშირის უმაღლესი საბჭოს პრეზიდიუმისა ჩეხოსლოვაკიის სოციალისტურ რესპუბლიკაში სსრ კავშირის საგანგებო და სრულუფლებიანი ელჩად ს. ვ. ჩერვონენკოს დანიშვნის შესახებ.
- 197. ბრძანებულება სსრ კავშირის უმაღლესი საბჭოს პრეზიდიუმისა კოლმეურნეობათა და შემოსავლო გადასახადის შესახებ.
- 198. ბრძანებულება სსრ კავშირის უმაღლესი საბჭოს პრეზიდიუმისა სსრ კავშირის უმაღლესი საბჭოს პრეზიდიუმის ზოგიერთი ბრძანებულების ძალადაკარგულად ცნობის შესახებ.

ბანუოფილება მეორე

- 199. ბრძანებულება სსრ კავშირის უმაღლესი საბჭოს პრეზიდიუმისა კომპოზიტორ ე. გ. მედინის შრომის წითელი დროშის ორდენით დაჯილდოების შესახებ.
- 200. ბრძანებულება სსრ კავშირის უმაღლესი საბჭოს პრეზიდიუმისა აშხ. ნ. ვ. შესტუხინის მედლით „მამაცობისათვის“ დაჯილდოების შესახებ.
- 201. ბრძანებულება სსრ კავშირის უმაღლესი საბჭოს პრეზიდიუმისა პროფესორ შ. ე. მიქელაძის „საპატიო ნიშნის“ ორდენით დაჯილდოების შესახებ.
- 202. ბრძანებულება სსრ კავშირის უმაღლესი საბჭოს პრეზიდიუმისა აშხ. ლენინის ორდენით დაჯილდოების შესახებ.



### ბანაოფილება მესამე

საინფორმაციო ცნობა.

სსრ კავშირის უმაღლესი საბჭოს პრეზიდიუმის თავმჯდომარეს ა. ი. შიქოიანს რწმუნების სიგელები გადასცა ავღანეთის საგანგებო და სრულუფლებიანმა ელჩმა მუჰამედ არეფმა.

სსრ კავშირის უმაღლესი საბჭოს პრეზიდიუმის თავმჯდომარეს ა. ი. შიქოიანს რწმუნების სიგელები გადასცა იუგოსლავიის სოციალისტური ფედერაციული რესპუბლიკის საგანგებო და სრულუფლებიანმა ელჩმა დობრივოე ვილიჩმა.

სსრ კავშირის უმაღლესი საბჭოს პრეზიდიუმში.

ცნობა სსრ კავშირის უმაღლესი საბჭოს დეპუტატის არჩევნების შესახებ.

ადმინისტრაციულ-ტერიტორიულ დაყოფაში მომხდარი ცვლილების შესახებ.

### ნაწილი II

#### ბანაოფილება მეორე

203. ბრძანებულება საქართველოს სსრ უმაღლესი საბჭოს პრეზიდიუმისა აშხ. თ. მ. თავაძის საქართველოს სსრ უმაღლესი საბჭოს პრეზიდიუმის საპატიო სიგელით დაჯილდოების შესახებ.
204. ბრძანებულება საქართველოს სსრ უმაღლესი საბჭოს პრეზიდიუმისა აშხ. ვ. ი. დოლიძის საქართველოს სსრ უმაღლესი საბჭოს პრეზიდიუმის საპატიო სიგელით დაჯილდოების შესახებ.
205. ბრძანებულება საქართველოს სსრ უმაღლესი საბჭოს პრეზიდიუმისა პროფესორ ი. ა. დოლიძისათვის საქართველოს სსრ მეცნიერების დამსახურებული მოღვაწის საპატიო წოდების მინიჭების შესახებ.

## ნაწილი I

## განყოფილება პირველი

ბრძანებულება სსრ კავშირის უმაღლესი საბჭოს პრეზიდიუმისა

**192** ლივიის სამეფოში სსრ კავშირის საბანგებო და სრულუფლე-  
 ბიანი ელჩის მოვალეობისაგან დ. ი. ზაიკინის განთავისუფლე-  
 ბის შესახებ

განთავისუფლდეს დიმიტრი ივანეს ძე ზაიკინი ლივიის სამეფოში სსრ კავ-  
 შირის საგანგებო და სრულუფლებიანი ელჩის მოვალეობისაგან სხვა სამუშაო-  
 ზე გადასვლასთან დაკავშირებით.

სსრ კავშირის უმაღლესი საბჭოს პრეზიდიუმის თავმჯდომარე პ. მიქოიანი.

სსრ კავშირის უმაღლესი საბჭოს პრეზიდიუმის მდივანი მ. გიორგაძე.

მოსკოვი, კრემლი. 1965 წლის 30 მარტი.

№ 3455-VI.

ბრძანებულება სსრ კავშირის უმაღლესი საბჭოს პრეზიდიუმისა

**193** ლივიის სამეფოში სსრ კავშირის საბანგებო და სრულუფლე-  
 ბიან ელჩად ხ. ა. თოვმასიანის დანიშვნის შესახებ

დანიშნოს სურენ აკოფის ძე თოვმასიანი ლივიის სამეფოში სსრ კავშირის  
 საგანგებო და სრულუფლებიან ელჩად.

სსრ კავშირის უმაღლესი საბჭოს პრეზიდიუმის თავმჯდომარე პ. მიქოიანი.

სსრ კავშირის უმაღლესი საბჭოს პრეზიდიუმის მდივანი მ. გიორგაძე.

მოსკოვი, კრემლი. 1965 წლის 30 მარტი.

№ 3456-VI.

ბრძანებულება სსრ კავშირის უმაღლესი საბჭოს პრეზიდიუმისა

**194** ჩინეთის სახალხო რესპუბლიკაში სსრ კავშირის საბანგებო და  
 სრულუფლებიანი ელჩის მოვალეობისაგან ხ. ვ. ჩერვონენკოს  
 განთავისუფლების შესახებ

განთავისუფლდეს სტეფანე ვასილის ძე ჩერვონენკო ჩინეთის სახალხო  
 რესპუბლიკაში სსრ კავშირის საგანგებო და სრულუფლებიანი ელჩის მოვალე-  
 ბისაგან სხვა სამუშაოზე გადასვლასთან დაკავშირებით.

სსრ კავშირის უმაღლესი საბჭოს პრეზიდიუმის თავმჯდომარე პ. მიქოიანი.

სსრ კავშირის უმაღლესი საბჭოს პრეზიდიუმის მდივანი მ. გიორგაძე.

მოსკოვი, კრემლი. 1965 წლის 6 აპრილი.

№ 3461-VI.

ბრძანებულება სსრ კავშირის უმაღლესი საბჭოს პრეზიდიუმისა

**195** ჩეხოსლოვაკიის სოციალისტურ რესპუბლიკაში სსრ კავშირის  
 საგანგებო და სრულუფლებიანი ელჩის მოვალეობისაგან მ. ვ.  
 ზიმიანიანის განთავისუფლების შესახებ

განთავისუფლდეს მიხეილ ვასილის ძე ზიმიანიანი ჩეხოსლოვაკიის სოციალისტურ რესპუბლიკაში სსრ კავშირის საგანგებო და სრულუფლებიანი ელჩის მოვალეობისაგან სხვა სამუშაოზე გადასვლასთან დაკავშირებით.

სსრ კავშირის უმაღლესი საბჭოს პრეზიდიუმის თავმჯდომარე პ. მიქოიანი.

სსრ კავშირის უმაღლესი საბჭოს პრეზიდიუმის მდივანი მ. გიორგაძე.

მოსკოვი, კრემლი. 1965 წლის 6 აპრილი.

№ 3463-VI.

ბრძანებულება სსრ კავშირის უმაღლესი საბჭოს პრეზიდიუმისა

**196** ჩეხოსლოვაკიის სოციალისტურ რესპუბლიკაში სსრ კავშირის  
 საგანგებო და სრულუფლებიანი ელჩად ს. ვ. ჩარვონენკოს და-  
 ნიშვნის შესახებ

დაინიშნოს სტეფანე ვასილის ძე ჩერვონენკო ჩეხოსლოვაკიის სოციალისტურ რესპუბლიკაში სსრ კავშირის საგანგებო და სრულუფლებიანი ელჩად.

სსრ კავშირის უმაღლესი საბჭოს პრეზიდიუმის თავმჯდომარე პ. მიქოიანი.

სსრ კავშირის უმაღლესი საბჭოს პრეზიდიუმის მდივანი მ. გიორგაძე.

მოსკოვი, კრემლი. 1965 წლის 6 აპრილი.

№ 3464-VI.

ბრძანებულება სსრ კავშირის უმაღლესი საბჭოს პრეზიდიუმისა

**197** კოლმეურნეობათა საუბიბოსავლო გადასახადის შესახებ

I

ზოგადი დებულებანი

1. კოლმეურნეობათა საშემოსავლო გადასახადს იხდიან სასოფლო-სამეურნეო არტელები, აგრეთვე მეთევზეობის არტელები, რომლებსაც შემოსავალი აქვთ სოფლის მეურნეობიდან, დამხმარე საწარმოებიდან და სამსახურის გაწევიდან.

საშემოსავლო გადასახადით იბეგრება:

ა) კოლმეურნეობის წმინდა შემოსავალი, რომელიც მიღებულია სასოფლო-სამეურნეო წარმოებიდან, სამსახურის გაწევიდან და დამხმარე საწარმოებიდან და სარეწავებიდან, შემოსავლის იმ ნაწილის გამოკლებით, რომელიც შეესაბა-



მება 15 პროცენტ რენტაბელობას, აგრეთვე კოლმეურნეთა სოციალური უზრუნველყოფის ცენტრალიზებული საკავშირო ფონდის გადასახდელთა გამოკლებით, რომლებიც გამოანგარიშებულია მოცემული წლისათვის;

ბ) კოლმეურნეთა შრომის ანაზღაურების ფონდის ნაწილი, რომელიც აღემატება საშუალო თვიურ ხელფასს მეურნეობაში მომუშავე ერთ კოლმეურნეზე განგარიშებით, იმ ოდენობით, რომელსაც სსრ კავშირის მინისტრთა საბჭო აწესებს მეურნეობის რენტაბელობის მიუხედავად.

საშემოსავლო გადასახადით არ იბეგრება თევზჭერის შემოსავალი, რასაც მეთევზეობის არტელები იღებენ სახელმწიფო დამამზადებლებისა და კოოპერაციისათვის თევზჭერის პროდუქციის ჩაბარებით.

2. საშემოსავლო გადასახადის გამოსანგარიშებლად კოლმეურნეობის წმინდა შემოსავლის განსაზღვრისათვის იმ თანხას, რასაც შეადგენს პროდუქციის რეალიზაციით, სამსახურის გაწევით მიღებული ამონაგები, აგრეთვე კოლმეურნეთა და კოლმეურნეობაში სამუშაოდ მოწვეულ პირთა შრომის ასანაზღაურებლად გათვალისწინებული პროდუქციის ღირებულება (სახელმწიფო საცალო ფასებით), უნდა გამოაკლდეს ამ პროდუქციისა და გაწეული სამსახურის თვითღირებულება.

მეურნეობის რენტაბელობის დონე განისაზღვრება პროცენტით, როგორც შეფარდება კოლმეურნეობის წმინდა შემოსავლის თანხისა რეალიზებული პროდუქციის, გაწეული სამსახურის და იმ პროდუქციის თვითღირებულებასთან, რომელიც შრომის ანაზღაურების წესით უნდა მიეცეთ კოლმეურნეებსა და კოლმეურნეობაში სამუშაოდ მოწვეულ პირებს.

## II

### გადასახადის თანხის გამოანგარიშების წესი და გადასახადის გადახდის ვადები

3. ერთი წლის საშემოსავლო გადასახადის გამოანგარიშება ხდება კოლმეურნეობის დასაბეგრი წმინდა შემოსავლის 12 პროცენტის ოდენობით, ხოლო შრომის ანაზღაურების ფონდის დასაბეგრი ნაწილისა — იმ ოდენობით, რომელსაც სსრ კავშირის მინისტრთა საბჭო აწესებს.

4. წლის განმავლობაში კოლმეურნეობები საშემოსავლო გადასახადს იბდიან ყოველკვარტალურად მიმდინარე წლის შემოსავლიდან.

მიმდინარე წლის I, II და III კვარტალებში გადასახდელი საშემოსავლო გადასახადის თანხის გამოანგარიშება ხდება შესაბამისი კვარტალის საფინანსო ანგარიშგებაში ნაჩვენები კოლმეურნეობის საერთო ფულადი შემოსავლის იმ პროცენტის საფუძველზე, რომელიც განისაზღვრება როგორც შეფარდება წინა წელს გამოანგარიშებული საშემოსავლო გადასახადის თანხისა კოლმეურნეობის ამავე წლის საერთო ფულადი შემოსავლის თანხასთან.

მიმდინარე წლის IV კვარტალში გადასახდელი საშემოსავლო გადასახადის თანხის გამოანგარიშება ხდება III კვარტალის საერთო ფულადი შემოსავლის მიხედვით გამოანგარიშებული გადასახადის თანხის პროცენტების საფუძველზე,



რომლებიც შემდეგნაირად არის დიფერენცირებული მოკავშირე რესპუბლიკებისათვის:

ყაზახეთის სსრ კოლმეურნეობებისათვის — 50 პროცენტი;

რუსეთის სფსრ, საქართველოს სსრ და აზერბაიჯანის სსრ კოლმეურნეობებისათვის — 60 პროცენტი;

ბელორუსიის სსრ, ლიტვის სსრ, ლატვიის სსრ და ესტონეთის სსრ კოლმეურნეობებისათვის — 80 პროცენტი;

უკრაინის სსრ, უზბეკეთის სსრ, მოლდავეთის სსრ, ყირგიზეთის სსრ, ტაჯიკეთის სსრ, სომხეთის სსრ და თურქმენეთის სსრ კოლმეურნეობებისათვის — 100 პროცენტი.

მოკავშირე რესპუბლიკების მინისტრთა საბჭოებს უფლება ენიჭებათ გაადიდონ ან შეამცირონ IV კვარტალის საშემოსავლო გადასახადის გამოანგარიშების პროცენტი იმის მიხედვით, თუ როგორ შეიცვალა ამ კვარტალის შემოსავლის ხვედრითი წონა მთელი წლის შემოსავლის საერთო თანხაში, აგრეთვე გააგრძელონ ერთი თვის ფარგლებში გადასახადის ვადები კოლმეურნეობების ეკონომიურ თავისებურებათა მიხედვით.

5. საშემოსავლო გადასახადს კოლმეურნეობები იხდიან შემდეგ ვადებში:

25 აპრილისათვის — I კვარტალის საერთო ფულადი შემოსავლიდან გამოანგარიშებულ თანხას;

25 ივლისისათვის — II კვარტალის საერთო ფულადი შემოსავლიდან გამოანგარიშებულ თანხას;

25 ოქტომბრისათვის — III კვარტალის საერთო ფულადი შემოსავლიდან გამოანგარიშებულ თანხას;

1 დეკემბრისათვის — თანხას, რომელიც გამოანგარიშებულია III კვარტალის ფულადი შემოსავლიდან საშემოსავლო გადასახადის თანხის დადგენილი პროცენტით (IV კვარტალის საშემოსავლო გადასახადი);

საანგარიშგებო წლის მომდევნო წლის 1 მარტისათვის — თანხას, რომელიც გამოანგარიშებულია მთელი წლის დასაბეგრი წმინდა შემოსავლის საფუძველზე I, II, III და IV კვარტალების გადასახდელთა ჩათვლით. თუ საშემოსავლო გადასახადის თანხა, გამოანგარიშებული მთელი წლის დასაბეგრი წმინდა შემოსავლის საფუძველზე, I, II, III და IV კვარტალების გადასახდელების თანხაზე ნაკლებია, ზედმეტად გადახდილი თანხა ჩაითვლება მიმდინარე წლის მორიგ გადასახდელში ან ამ თანხას საფინანსო ორგანო უბრუნებს კოლმეურნეობას მისი მოთხოვნით.

### III

#### გადასახადის შეღავათები

6. ახალმოსახლეთა მეურნეობებისაგან შექმნილ კოლმეურნეობებს, აგრეთვე იმ კოლმეურნეობებს, რომლებმაც თავიანთ შემადგენლობაში მიიღეს ახალმოსახლენი, საშემოსავლო გადასახადის შეღავათები ეძლევათ სსრ კავშირის მინისტრთა საბჭოს სპეციალურ გადაწყვეტილებათა საფუძველზე.

7. სსრ კავშირის მინისტრთა საბჭოს უფლება ენიჭება გაათავისუფლოს საშემოსავლო გადასახადისაგან კოლმეურნეობანი, აგრეთვე საჭირო შემთხვევებში კოლმეურნეობებს დაუწესოს გადასახადის შეღავათები სოფლის მეურნეობის ცალკეული დარგების განვითარების სტიმულირების მიზნით.

8. მოკავშირე რესპუბლიკების მინისტრთა საბჭოებს შეუძლიათ გადაუდონ საშემოსავლო გადასახადის ვადა ცალკეულ კოლმეურნეობებს და საჭირო შემთხვევებში ჩამოაწირონ კოლმეურნეობებს გადასახადის ნარჩენი რესპუბლიკის ბიუჯეტის ხარჯზე.

იმ მოკავშირე რესპუბლიკების მინისტრთა საბჭოებს, რომლებსაც საოლქო დაყოფა არა აქვთ, ავტონომიური რესპუბლიკების მინისტრთა საბჭოებს, მშრომელთა დეპუტატების სამხარეო და საოლქო საბჭოების აღმასრულებელ კომიტეტებს მშრომელთა დეპუტატების რაიონული და საქალაქო საბჭოების შუამდგომლობით შეუძლიათ გადაუდონ საშემოსავლო გადასახადის ვადა სტიქიური უბედურებისაგან დაზარალებულ ცალკეულ კოლმეურნეობებს, აგრეთვე საჭირო შემთხვევებში საეცხებით ან ნაწილობრივ გაათავისუფლონ ეს კოლმეურნეობანი გადასახადისაგან შესაბამისი ბიუჯეტების ხარჯზე.

9. კოლმეურნეობებს, რომლებიც დაზარალებიან სტიქიური უბედურებისაგან (სასოფლო-სამეურნეო კულტურების ნათესების, მრავალწლიანი ხეხილის ნაგრავების ან ძირითადი ქონების დაღუპვა სეტყვის, წყალდიდობის, გრიგალის, მერხის, ხანძრის, მიწისძვრის, ზვავის, მეწყერის შედეგად და პირუტყვის გაწყვეტა), მშრომელთა დეპუტატების რაიონული და საქალაქო საბჭოების აღმასრულებელი კომიტეტების გადაწყვეტილებით შეიძლება გაუგრძელდეთ გადასახადის ვადა მიმდინარე წლის ფარგლებში.

#### IV

### პასუხისმგებლობა გადასახადის გადაუხდელობისათვის

10. საშემოსავლო გადასახადის სწორად გამომგარიშებისა და დროულად გადახდისათვის პასუხისმგებლობა ეკისრება კოლმეურნეობის გამგეობას.

კოლმეურნეობის გამგეობა მოვალეა სსრ კავშირის ფინანსთა სამინისტროს მიერ დამტკიცებული ფორმებით შესაბამის საფინანსო ორგანოში წარადგინოს:

ა) მიმდინარე წლის I, II და III კვარტალების საერთო ფულადი შემოსავლის საშემოსავლო გადასახადის გაანგარიშებანი.

III კვარტლის ფულადი შემოსავლის საშემოსავლო გადასახადის თანხის გაანგარიშებასთან ერთად კოლმეურნეობანი მოვალენი არიან წარადგინონ IV კვარტალის საშემოსავლო გადასახადის თანხის გაანგარიშება;

ბ) საანგარიშგებო წლის დასაბეგრი წმინდა შემოსავლის, კოლმეურნეთა შრომის ანაზღაურების ფონდის დასაბეგრი ნაწილისა და მთელი წლის საშემოსავლო გადასახადის თანხის გაანგარიშებანი.

11. საშემოსავლო გადასახადს კოლმეურნეობანი იხდიან პირველ რიგში დადგენილ ვადებში. გადასახადის გადაუხდელობის შემთხვევაში გადაუხდელი თანხები ჩამოიწერება კოლმეურნეობათა მიმდინარე ანგარიშებიდან (გარდა

განსაკუთრებული მიმდინარე ანგარიშებისა) იმ წესით, რომელიც სახელმწიფო და კოოპერაციული საწარმოებისა და ორგანიზაციებისათვის დადგენილია ბიუჯეტში გადასახდელთა შეტანის შესახებ.

გადასახდელის ვადის გადამცილებელთ გადახდებათ საურავი 0,05 პროცენტის ოდენობით ყოველი გადაცილებული დღისათვის.

12. განცხადებებისა და საჩივრების შეტანა ვერ შეაჩერებს გადასახადის გადახდევინებას.

იმ შეთხვევებში, როცა გადაწყვეტილება გამოტანილია კოლმეურნეობის სასარგებლოდ, არასწორად შემოსული თანხა კოლმეურნეობას უბრუნდება სულ ბევრი 10 დღეში გადაწყვეტილების გამოტანის მომენტიდან.

13. საფინანსო ორგანოებს ეკისრებათ კონტროლი გაუწიონ კოლმეურნეობების საშემოსავლო გადასახადის სწორად გამოანგარიშებას და დროულად გადახდას.

საფინანსო ორგანოები კვარტალური საფინანსო ანგარიშებისა და წლიური საბუღალტრო ანგარიშების და ბალანსების მონაცემების მიხედვით, აგრეთვე კოლმეურნეობების სათანადო დოკუმენტების მიხედვით ამოწმებენ კოლმეურნეობების გამგეობათა შედგენილ საშემოსავლო გადასახადის კვარტალურ და წლიურ გაანგარიშებებს.

თუ საშემოსავლო გადასახადის თანხა სწორად არ არის განსაზღვრული, მოხდება გადასახადის თანხის შესაბამისი გადაანგარიშება.

\* \* \*

14. ამ ბრძანებულების გამოყენების ინსტრუქციას ერთობლივად გამოსცემენ სსრ კავშირის ფინანსთა სამინისტრო და სსრ კავშირის სოფლის მეურნეობის სამინისტრო.

15. ეს ბრძანებულება ძალაში შედის კოლმეურნეობების 1966 წლის შემოსავლის დაბეგვრის დღიდან.

სსრ კავშირის უმაღლესი საბჭოს პრეზიდიუმის თავმჯდომარე ბ. მიქოიანი.

სსრ კავშირის უმაღლესი საბჭოს პრეზიდიუმის მდივანი მ. გიორგაძე.

მოსკოვი, კრემლი. 1965 წლის 10 აპრილი.

№ 3472-VI.

ბრძანებულება სსრ კავშირის უმაღლესი საბჭოს პრეზიდიუმისა

**198** სსრ კავშირის უმაღლესი საბჭოს პრეზიდიუმის ზოგიერთი ბრძანებულების ძალადაკარგულად ცნობის შესახებ

„კოლმეურნეობათა საშემოსავლო გადასახადის შესახებ“ სსრ კავშირის უმაღლესი საბჭოს პრეზიდიუმის 1965 წლის 10 აპრილის ბრძანებულების მიღებასთან დაკავშირებით სსრ კავშირის უმაღლესი საბჭოს პრეზიდიუმი ადგენს:



დასახელებული ბრძანებულების სამოქმედოდ შემოღებასთან დაკავშირებით ძალადაკარგულად ჩაითვალოს:

სსრ კავშირის უმაღლესი საბჭოს პრეზიდიუმის 1957 წლის 12 სექტემბრის ბრძანებულება „კოლმეურნეობათა საშემოსავლო გადასახადის შესახებ“ (სსრ კავშირის უმაღლესი საბჭოს უწყებები, 1957 წ., № 19, მუხ. 495);

სსრ კავშირის უმაღლესი საბჭოს პრეზიდიუმის 1958 წლის 12 სექტემბრის ბრძანებულება „კოლმეურნეობათაგან ბიუჯეტის გადასახდელთა გადახდევინების წესის შეცვლის შესახებ“ (სსრ კავშირის უმაღლესი საბჭოს უწყებები, 1958 წ., № 23, მუხ. 346);

სსრ კავშირის უმაღლესი საბჭოს პრეზიდიუმის 1958 წლის 18 დეკემბრის ბრძანებულება „კოლმეურნეობათა საშემოსავლო გადასახადის გამომანგარიშების წესის შეცვლის შესახებ“ (სსრ კავშირის უმაღლესი საბჭოს უწყებები, 1959 წ., № 1, მუხ. 1).

სსრ კავშირის უმაღლესი საბჭოს პრეზიდიუმის თავმჯდომარე ა. მიქოიანი.

სსრ კავშირის უმაღლესი საბჭოს პრეზიდიუმის მდივანი მ. გიორგაძე.

მოსკოვი, კრემლი. 1965 წლის 12 აპრილი.

№ 3473-VI.

### ბანაოფილება მიორა

ბრძანებულება სსრ კავშირის უმაღლესი საბჭოს პრეზიდიუმისა

## 199 კომპოზიტორ ე. ბ. მადინის შრომის წითელი დროშის ორდენით დაჯილდოების შესახებ

დამსახურებისათვის საბჭოთა მუსიკალური ხელოვნების განვითარებაში და დაბადების ოთხმოც წელთან დაკავშირებით კომპოზიტორი ექაბ გიორგის ძე მადინი დაჯილდოვდეს შრომის წითელი დროშის ორდენით.

სსრ კავშირის უმაღლესი საბჭოს პრეზიდიუმის თავმჯდომარე ა. მიქოიანი.

სსრ კავშირის უმაღლესი საბჭოს პრეზიდიუმის მდივანი მ. გიორგაძე.

მოსკოვი, კრემლი. 1965 წლის 6 აპრილი.

№ 3465-VI.

ბრძანებულება სსრ კავშირის უმაღლესი საბჭოს პრეზიდიუმისა

## 200 ანხ. ნ. ვ. შანტუხინის მადლით „მამაცობისათვის“ დაჯილდოების შესახებ

სოციალისტური საკუთრების დაცვისას გამოჩენილი თავდადებული მოქმედებისა და მამაცობისათვის ანხ. ნიკოლოზ ვასილის ძე შანტუხინი დაჯილდოვდეს მადლით „მამაცობისათვის“.

სსრ კავშირის უმაღლესი საბჭოს პრეზიდიუმის თავმჯდომარე ა. მიქოიანი.

სსრ კავშირის უმაღლესი საბჭოს პრეზიდიუმის მდივანი მ. გიორგაძე.

მოსკოვი, კრემლი. 1965 წლის 10 აპრილი.

№ 3470-VI.

ბრძანებულება სსრ კავშირის უმაღლესი საბჭოს პრეზიდიუმისა

## 201 პროფესორ ზ. ე. მიქელაძის „საპატიო ნიშნის“ ორდენით დაჯილდოების შესახებ

დამსახურებისათვის მათემატიკური მეცნიერების განვითარებასა და მეცნიერული კადრების მომზადებაში და დაბადების სამოცდაათ წელთან დაკავშირებით პროფესორი შალვა ექვთიმეს ძე მიქელაძე დაჯილდოვდეს „საპატიო ნიშნის“ ორდენით.

სსრ კავშირის უმაღლესი საბჭოს პრეზიდიუმის თავმჯდომარე ა. მიქოიანი.

სსრ კავშირის უმაღლესი საბჭოს პრეზიდიუმის მდივანი მ. გიორგაძე.

მოსკოვი, კრემლი. 1965 წლის 10 აპრილი.

№ 3471-VI.

ბრძანებულება სსრ კავშირის უმაღლესი საბჭოს პრეზიდიუმისა

## 202 ამხ. გ. ი. გაილეს ლენინის ორდენით დაჯილდოების შესახებ

საბჭოთა სახელმწიფოს წინაშე დამსახურებისათვის და დაბადების სამოც წელთან დაკავშირებით ლატვიის ეკონომიური რაიონის სახალხო მეურნეობის საბჭოს თავმჯდომარე ამხ. გიორგი ივანეს ძე გაილე დაჯილდოვდეს ლენინის ორდენით.

სსრ კავშირის უმაღლესი საბჭოს პრეზიდიუმის თავმჯდომარე ა. მიქოიანი.

სსრ კავშირის უმაღლესი საბჭოს პრეზიდიუმის მდივანი მ. გიორგაძე.

მოსკოვი, კრემლი. 1965 წლის 13 აპრილი.

№ 3475-VI.

### განყოფილება მისამე

### სანიფორმაციო ცნობა

არაბთა გაერთიანებული რესპუბლიკის სოციალური და ეკონომიური განვითარების მეორე ხუთწლიანი გეგმით გათვალისწინებულ ცალკეულ სამრეწველო საწარმოთა და ობიექტთა მშენებლობაში ეკონომიურ და ტექნიკურ თანამშრომლობაზე საბჭოთა სოციალისტური რესპუბლიკების კავშირის მთავრობასა და არაბთა გაერთიანებული რესპუბლიკის მთავრობას შორის დადებული შეთანხმების შესახებ.

საბჭოთა სოციალისტური რესპუბლიკების კავშირის მთავრობამ და არაბთა გაერთიანებული რესპუბლიკის მთავრობამ, რომლებიც ემყარებიან სსრ კავშირსა და არაბთა გაერთიანებულ რესპუბლიკას შორის არსებულ მეგობრულ ურთიერთობას და ხელმძღვანელობენ ურთიერთმისწრაფებით შემდგომ

განავითარონ და განამტკიცონ ეკონომიური და ტექნიკური თანამშრომლობა, დამყარებული ორივე ქვეყნის თანასწორობის, შინაურ საქმეებში ჩაურევლობის და ეროვნული ღირსებისა და სუვერენიტეტის სრული პატივისცემის პრინციპებზე, იმ მიზნით, რომ ეკონომიური და ტექნიკური ხელშეწყობა ჰქონდეს არაბთა გაერთიანებული რესპუბლიკის სოციალური და ეკონომიური განვითარების მეორე ხუთწლიანი გეგმით გათვალისწინებულ ცალკეულ სამრეწველო საწარმოთა და ობიექტთა მშენებლობის განხორციელებას, 1964 წლის 22 სექტემბერს მოსკოვში დადეს შეთანხმება ცალკეულ სამრეწველო საწარმოთა და ობიექტთა მშენებლობაში ეკონომიური და ტექნიკური თანამშრომლობის შესახებ.

შეთანხმება რატიფიცირებულია სსრ კავშირის უმაღლესი საბჭოს პრეზიდიუმის მიერ 1964 წლის 12 დეკემბერს; არაბთა გაერთიანებული რესპუბლიკის პრეზიდენტის მიერ — 1964 წლის 28 დეკემბერს.

სარატიფიკაციო სიგელების გაცვლა მოხდა ქ. კაიროში 1965 წლის 23 თებერვალს.

შეთანხმება ძალაში შევიდა სარატიფიკაციო სიგელების გაცვლის მომენტიდან.

შეთანხმების ტექსტი გამოქვეყნებულია „სსრ კავშირის უმაღლესი საბჭოს უწყებებში“ (№ 14, 1965 წლის 7 აპრილი).

### სსრ კავშირის უმაღლესი საბჭოს პრეზიდიუმის თავმჯდომარის ა. ი. მიქოიანს რწმუნების სიგელეზი გადასცა ავღანეთის საგანგებო და სრულუფლებიანმა ელჩმა მუჰამედ არეფმა

საბჭოთა კავშირის ჩამოსულმა ავღანეთის საგანგებო და სრულუფლებიანმა ელჩმა მუჰამედ არეფმა 31 მარტს კრემლში თავისი რწმუნების სიგელები გადასცა სსრ კავშირის უმაღლესი საბჭოს პრეზიდიუმის თავმჯდომარეს ა. ი. მიქოიანს.

ელჩს ახლდნენ საელჩოს პირველი მდივანი ა. ვადანი, სამხედრო ატაშე პოდპოლკოვნიკი ა. რ. სულეიმანი, სამხედრო ატაშეს თანაშემწე პოდპოლკოვნიკი მ. ა. ასკერიარი, მეორე მდივნები ა. ჯამილი და ა. თარზი, ატაშე ა. ა. ნაიმი.

ა. ი. მიქოიანმა და მ. არეფმა ერთმანეთს მიმართეს სიტყვებით, რომლებშიც გამოთქვეს ორივე ქვეყნის მისწრაფება შემდგომ გააფართოონ და განამტკიცონ მეგობრული, კეთილშობილური ურთიერთობა.

რწმუნების სიგელების გადაცემისა და მას შემდეგ, რაც სიტყვებით მიმართეს ერთმანეთს, ა. ი. მიქოიანსა და მ. არეფს შორის გაიმართა საუბარი, რომელშიც მონაწილეობა მიიღეს სსრ კავშირის უმაღლესი საბჭოს პრეზიდიუმის მდივანმა მ. პ. გიორგაძემ და სსრ კავშირის საგარეო საქმეთა მინისტრის მოადგილემ ვ. ს. სემიონოვმა.

**სსრ კავშირის უმაღლესი საბჭოს პრეზიდიუმის თავმჯდომარეს ა. ი. მიქოიანს რეზოლუციის სიგელზე გადასცა იუგოსლავიის სოციალისტური ფედერაციული რესპუბლიკის საგანგებო და სრულუფლებიანმა ელჩმა დობრივო ვიდიჩმა 1 აპრილს კრებულში თავისი რეზოლუციის სიგელი გადასცა სსრ კავშირის უმაღლესი საბჭოს პრეზიდიუმის თავმჯდომარეს ა. ი. მიქოიანს.**

ელჩს ახლდნენ სრულუფლებიანი მინისტრი, საელჩოს მრჩეველი თ. გორსკი, მრჩეველები მ. ვლახოვიჩი, მ. მაქსიჩი, ნ. გრებენარი, ა. მიჩევიჩი, სამხედრო, სამხედრო-საზღვაო და სამხედრო-საჰაერო ატაშე პოლკოვნიკი რ. ერცევიჩი, პირველი მდივანი დ. ვუკმანოვიჩი და მეორე მდივანი ა. ჯუროვიჩი.

ა. ი. მიქოიანმა და დ. ვიდიჩმა ერთმანეთს სიტყვებით მიმართეს: მათ აღნიშნეს, რომ ძირითადი საერთაშორისო პრობლემების გადაწყვეტაში იუგოსლავიისა და საბჭოთა კავშირის პოზიციები ერთნაირია ან უახლოვდება ერთმანეთს, და გამოთქვეს რწმენა, რომ ნაყოფიერი თანამშრომლობა ძმური მეგობრობა საბჭოთა და იუგოსლავიის ხალხებს შორის განვითარდება და მკვიდრი გახდება სოციალისტური ქვეყნების თანამშრომლობის ერთიანობისა და დარაზმულობის შემდგომი განმტკიცების საკეთილდღეოდ.

რწმუნების სიგელების გადაცემისა და მას შემდეგ, რაც სიტყვებით მიმართეს ერთმანეთს, ა. ი. მიქოიანსა და დ. ვიდიჩს შორის გაიმართა საუბარი, რომელმაც თბილ, ამხანაგურ ვითარებაში ჩაიარა. საუბარში მონაწილეობა მიიღეს სსრ კავშირის უმაღლესი საბჭოს პრეზიდიუმის მდივანმა მ. პ. გიორგაძემ და სსრ კავშირის საგარეო საქმეთა მინისტრის მოადგილემ ნ. პ. ფირიუბინმა.

**სსრ კავშირის უმაღლესი საბჭოს პრეზიდიუმის**

თვალსაჩინო დამსახურებისათვის ტაჯიკეთის სსრ სოფლის მეურნეობის და მრეწველობის განვითარებაში სსრ კავშირის უმაღლესი საბჭოს პრეზიდიუმმა 1965 წლის 3 აპრილის ბრძანებულებით სოციალისტური შრომის გმირის წოდება მიანიჭა ტაჯიკეთის სსრ სოფლის მეურნეობისა და მრეწველობის 15 მოწინავეს.

ტაჯიკეთის სსრ სახალხო მეურნეობის, მეცნიერებისა და კულტურის განვითარებაში მოპოვებული წარმატებებისათვის სსრ კავშირის უმაღლესი საბჭოს პრეზიდიუმმა 1965 წლის 3 აპრილის ბრძანებულებით სსრ კავშირის ორდენებითა და მედლებით დააჯილდოვა ტაჯიკეთის სსრ სოფლის მეურნეობის, მრეწველობის, ტრანსპორტის, მშენებლობის, ვაჭრობის მოწინავენი, მეცნიერებისა და კულტურის მუშაკები. სულ დაჯილდოებულია 2484 კაცი.



ლენინის ორდენით დაჯილდოებულია 95 კაცი, შრომის წითელი დროშის ორდენით — 330, „საპატიო ნიშნის“ ორდენით — 574, მედლით „შრომითი მამაცობისათვის“ — 800 და მედლით „შრომითი წარჩინებისათვის“ — 685 კაცი.

ბრძანებულებები ქვეყნდება „სსრ კავშირის უმაღლესი საბჭოს უწყებებში“.

### ც ნ ო ბ ა

#### სსრ კავშირის უმაღლესი საბჭოს დეპუტატის არჩევნების შესახებ

1965 წლის 21 მარტს გაიმართა ეროვნებათა საბჭოს დეპუტატის არჩევნები ესტონეთის სსრ ვალგას № 357 საარჩევნო ოლქში.

ვალგას № 357 საარჩევნო ოლქისაგან ეროვნებათა საბჭოს დეპუტატად არჩეულია ამხ. არტურ პავლეს ძე ვადერი, ესტონეთის კომუნისტური პარტიის ცენტრალური კომიტეტის მეორე მდივანი.

#### ადმინისტრაციულ-ტერიტორიულ დაყოფაში მომხდარი ცვლილების შესახებ

### რ ს ფ ს რ

#### მუშათა ახალშენ კორაბლინოს გარდაქმნა რაიონული დაქვემდებარების ქალაქად

რუსეთის სფს რესპუბლიკის უმაღლესი საბჭოს პრეზიდიუმმა 1965 წლის 1 აპრილის ბრძანებულებით რიაზანის ოლქის კორაბლინოს რაიონის მუშათა ახალშენი კორაბლინო გარდაქმნა რაიონული დაქვემდებარების ქალაქად.

### ნაწილი II

#### ბანყოფილება მიორა

ბრძანებულება საქართველოს სსრ უმაღლესი საბჭოს პრეზიდიუმისა

**203** ამხ. თ. მ. თავაძის საქართველოს სსრ უმაღლესი საბჭოს პრეზიდიუმის საპატიო სიგელით დაჯილდოების შესახებ

სოფლის მეურნეობის დარგში ხანგრძლივი და ნაყოფიერი მუშაობისათვის, დაბადების ორმოცდაათ წელთან დაკავშირებით სამტრედიის რაიონის კიკვიძის სახელობის კოლმეურნეობის თავმჯდომარე ამხ. თამარ მიხეილის ასული თავაძე დაჯილდოვდეს საქართველოს სსრ უმაღლესი საბჭოს პრეზიდიუმის საპატიო სიგელით.

საქართველოს სსრ უმაღლესი საბჭოს პრეზიდიუმის თავმჯდომარე ბ. ძოწანიძე.

საქართველოს სსრ უმაღლესი საბჭოს პრეზიდიუმის მდივანი ზ. კვამაძე.

თბილისი, 1965 წლის 15 აპრილი.

ბრძანებულება საქართველოს სსრ უმაღლესი საბჭოს პრეზიდიუმისა

**204** ამხ. ვ. ი. დოლიძის საქართველოს სსრ უმაღლესი საბჭოს პრეზიდიუმის საპატიო სიგელით დაჯილდოების შესახებ

საბჭოთა ორგანოებში ხანგრძლივი და ნაყოფიერი მუშაობისათვის ჩოხატაურის რაიონის განახლების მშრომელთა დეპუტატების სასოფლო საბჭოს აღმასკომის თავმჯდომარე ამხ. ვიქტორ ირაკლის ძე დოლიძე დაჯილდოვდეს საქართველოს სსრ უმაღლესი საბჭოს პრეზიდიუმის საპატიო სიგელით.

საქართველოს სსრ უმაღლესი საბჭოს პრეზიდიუმის თავმჯდომარე ბ. ძოწანიძე.

საქართველოს სსრ უმაღლესი საბჭოს პრეზიდიუმის მდივანი ზ. კვანჭია.

თბილისი, 1965 წლის 15 აპრილი.

ბრძანებულება საქართველოს სსრ უმაღლესი საბჭოს პრეზიდიუმისა

**205** პროფესორ ი. ს. დოლიძისათვის საქართველოს სსრ მეცნიერების დამსახურებული მოღვაწის საპატიო წოდების მინიჭების შესახებ

იურისპრუდენციის დარგში მეცნიერულ მუშაობაში დამსახურებისათვის, დაბადების ორმოცდაათ წელთან დაკავშირებით საქართველოს სსრ მეცნიერებათა აკადემიის ვიცე-პრეზიდენტს, პროფესორ ისიდორე სამსონის ძე დოლიძეს მიენიჭოს საქართველოს სსრ მეცნიერების დამსახურებული მოღვაწის საპატიო წოდება.

საქართველოს სსრ უმაღლესი საბჭოს პრეზიდიუმის თავმჯდომარე ბ. ძოწანიძე.

საქართველოს სსრ უმაღლესი საბჭოს პრეზიდიუმის მდივანი ზ. კვანჭია.

თბილისი, 1965 წლის 15 აპრილი.

## გ ა ს წ ო რ ე ბ ა

1965 წლის 10 თებერვლის № 4 „საქართველოს სსრ უმაღლესი საბჭოს უწყებებში“ 47 მუხლით გამოქვეყნებული „სამხედრო დანაშაულისათვის სისხლის სამართლის პასუხისმგებლობის კანონის 9, 19 და 21 მუხლებში ცვლილებათა და დამატებათა შეტანის შესახებ“ სსრ კავშირის უმაღლესი საბჭოს პრეზიდიუმის ბრძანებულების მე-3 პუნქტი უნდა იკითხებოდეს:

3. 21 მუხლის სახელწოდება და ამ მუხლის „ა“ პუნქტი ჩამოყალიბდეს შემდეგი რედაქციით:

„მუხლი 21. საბრძოლო მორიგეობის შესრულების წესების დარღვევა —

ა) სსრ კავშირის სახმელეთო, საზღვაო ან საჰაერო სივრცის ზელშეუხებლობის, ან საბჭოთა კავშირზე მოულოდნელი თავდასხმის თავიდან ასაცილებლად დაცვის საბრძოლო მორიგეობის შესრულების წესების დარღვევა, ჩადენილი იმ პირის მიერ, რომელიც შედის საბრძოლო ჯგუფულის, ეკიპაჟის, საგუშაგოს სამორიგეო ცვლის ან სხვა სამორიგეო ქვეგანყოფის შემადგენლობაში. —

ისჯება თავისუფლების აღკვეთით ერთი წლიდან ხუთ წლამდე“.